



明詩正聲卷二十八 五言律詩九

廣陵

盧純學

江一夔

校閱

選輯

蘇棠

曉發長安

蘇棠

曉發長安道寒風吹敝裘
鷄鳴山月出犬吠澗
泉流村火搖山麓
灘沙響渡頭晴空一以望
百二帝王州

暮過琵琶山望城市

殷盤

暮過琵琶嶺高頭秋更涼
樹晴歸鳥雀山晚下

牛羊雲繞衣裳濕花隨杖屨香湖城初出月水
遠見天長

晁春陵太史湖上亭

孟思

地迥湖光闊亭高山色虛松枝留鶴宿茅屋借
僧居門對前溪淥家歲後載車明時開紫閣
天子問相如

登日觀

三觀開清曉天門獨眺時群山爭鳳翥遠海見
虹垂風急流雲駛嵐沉日上遲檢封尋故迹秦

漢有荒碑

山寺

遠聽山城漏迢迢秋夜長踈燈自蕭寺欹枕亦
他鄉葉落風疑雨庭空月照霜坐馳渾不寐身
世嘆微茫

春日過宋諸陵

徐渭

落日愁山鬼寒泉鎖殯宮魂猶驚鉄騎人自哭
遺弓白骨夜半語諸臣地下逢如聞穆陵道當
日悔和戎

初至浮雲丁呈郭道人

葛幼玄

江海移家遠西來一鴈秋風飡孤閣晚露坐萬
山稠日月淹多病乾坤寄薄游浮雲千載意握
手思悠悠

留別諸衲子

蕭蕭京口道秋色動孤征舊海多歸夢浮雲繫
旅情潮痕過樹濕江影挂帆晴後夜思玄度三
山月又生

雨夜宿汪德弘承恩寺所居

暫解芙蓉櫂遙投蒼蘆林長廊清磬談一徑白
雲深夢寐無人境沉冥出世心那堪同作客風
雨對秋砧

江行有懷

李佶

醉起意不盡江邊尋杜蘅折來何所寄游子在
西京一別三春晚窮年百慮生日斜空悵望一
水隔盈盈

水府廟

沈霑

古徑苔花碧新祠玉樹齊使君重過馬山曠欲

栖鷄石壁翻龍象江濤振鼓鼙千帆靜牛渚何
必更燃犀

賦得隻鴈

周于德

隻鴈憑雙翮蕭蕭萬里來銜蘆心獨苦度隴影
偏哀念昔聯翩去經冬却自迴上林無意託鷹
隼勿相猜

過項羽故都

張邦仁

四海亡秦日乾坤逐鹿中入關三月火霸楚一
人雄蓋世才難盡悲歌路已窮鴻門辭亞父不

復度江東

夜坐

褊性誰能識逢人祇見疑青雲非我事白璧竟
成悲木落千山靜天空一鳥遲匣中有瑤瑟何
以寄相思

和北厓晚抵竹林寺

張曉

地僻經行遠人間入寺深寒蛩語長夜瘦鶴戀
空林月箔回燈影風簷下鐸音山僧供新茗聊
為浣塵心

雨暮野泊

江國天常漏溪橋雲倒生落花兼浪湧細柳拂
烟輕漁火愁相對湍聲夢屢驚野航停泊處捲
幔問陰晴

祝九山雨中邀飲神樂觀

醉挹金莖露香烹石鼎茶濕雲蒸苑樹細雨落
壇花篆縷縈清晝笙歌隔彩霞藥宮深道氣相
對語南華

薊門

宋登春

桑柘兵殘後人家夕照中天秋沙鴈滅月冷塞
樓空選將燕山北擒胡遼海東城南餘戰地燐
火夜深紅

春日野眺簡徐荊州

春問沙棠楫寒生杜若洲山雲巴子國江雨仲
宣樓歲月餘華髮飄零隨白鷗誰憐能賦客劉
表在荊州

送俞山人還漢陽

落日下平原秋林白露繁獨憐長路客樓託向

誰門賣賦金何有還家舌尚存
劒歌空自苦江漢有芳蓀

秋日登唵覽樓

遠客不宜秋况登江上樓
心隨胡鴈滅身為楚雲
留漢廣饒菰米湘清聚白鷗
寒砧何處蒺落日動鄉愁

襄陽送劉山人北遊

意氣重劉生悲歌萬里行
寶刀橫白刃騶馬絡朱纓
江漢分南楚雲沙靖北平
經過易水上為

我吊荆卿

春日送呂二山人南還

程應登

蕭然歸思切迢遞海門程
煙雨晚帆落汀洲春水生
草深神禹穴花滿越王城
甘作明時隱偏諳鷗鷺情

寄題海峰蘭若

裴邦奇

聞道幽栖處山房傍水潯
鶴盤青嶂遠僧卧碧蘿
深海月低禪榻天風送梵音
西遊定何日蘆葉渡江心

冬日同馮都護途中即事

江一夔

江郭連鑣出，霓旌半日程。
馬蹄空野色，鼉鼓夾濤聲。
雪擊琯弓勁，霜銜寶劍明。
年來無海怪，知亦畏威名。

重遊天慶寺

京國城南寺，清秋載酒來。
佛燈仍自照，僧社許重開。
雲壑流殘葉，霜楓襯碧苔。
壇邊雙白鳥，時傍菊花杯。

秋夜懷盧子明

薄暮涼風起，秋來日日陰。
鴈聲催落葉，霜氣肅疎林。
蕭瑟他鄉淚，踟躕故國心。
懷君不能寐，愁絕搗寒砧。

納涼

高梧青起霧叢竹，翠生烟解帶孤軒。
下科頭片石前，酒邊啼過鳥。
杯底瀉流泉，此地疑無暑。
涼風自灑然。

春日喜克際克謙過小園

張文介

幽尋憐二仲，看竹到山亭。
藥裏晴初曬，柴扉晝

尚君落花飄砌紫遠岫入筵青世事但垂老無
須薦獨醒

對鏡

張鳳翼

心緒垂綸日行藏賣卜時不逢揚得意空憶魏
無知白璧餘雙足青雲笑數竒倘嫌臣尚少試
看鏡中絲

卧佛寺牡丹

李言恭

何意空門裏名花傍酒杯恍疑天女散絕勝洛
陽栽香與青蓮合陰隨貝葉來佛今眠未起說

法為誰開

花朝

二月寒猶峭燕山雪未消春來無草色病裡又
花朝鴻鴈鄉書斷關河旅夢遙武陵溪上約今
已負漁樵

得吳洛泉書却寄

懷人易水寒離夢滿江干病起雙魚至秋來兩
鬢殘十年違把臂千里強加餐何夜長橋月同
君載酒看

江上留別故人

烟波意不極無柰別離何
夏口秋雲薄荆門夜
月多片帆辭故國雙鯉寄關河
雞黍他年約相期共薜蘿

龐順卿下第東歸過訪栝蒼追念疇昔悽然感懷
顧大典

驅車千里至雨雪正悽其愧我倦遊日嗟君失
路時相逢暫成喜懷舊不勝悲何事髫年侶驚
看髮已絲

春日池上酌

鴈去書難達春來髮易華
徒然對樽酒不見故園花
鶯響流芳榭池紋織斷霞
坐深相顧起林暝集歸鴉

京路見月

不作遠遊客那知行路難
燕山初入望兔影欲
凌寒搗素砧偏急棲枝鵲未安
清光限南北翻憶故園看

七夕飲徐公子東園

為愛東園勝頻開北海樽鵲橋斜倚漢鷲嶺正
當門竹密秋烟細溪深夕吹繁却憐公子貴結
客似平原

送駱職方參議滇南

岸柳催行色長條正可攀三年縉雲署萬里碧
雞關客舍杏花白馬蹄春草斑滇南人總喜重
識使君顏

送弟

南國秋雲冷西堂夜色闌幼孤兄弟少中歲別
離難有夢憑池草無心握省蘭終當理歸策三
徑莫教殘

赴官東昌別劉伯世

李三才

滿目青雲客嗟余海上行艱難生計拙潦倒壯
心驚立馬愁山色銜盃聽鴈聲長安今夕月着
意向人明

送張達卿

張獻翼

湖山曾共隱霄漢此孤征縱是逢歡宴那能緩
別情寒星分劒氣春雪讓蜚聲何用催離棹扶

搖不計程

寄戚南塘少保

胡應麟

聞道嫖姚將提兵大漠間
旌旗行漢壁鼓吹出秦關
白日雙鷗下黃雲萬騎閒
時同投筆吏逐虜過天山

游上谷

沈懋學

殺氣邊城肅征輶上谷晴
餘霞明古堞落日隱高城
寶劍寒飛雪胡笳夜斷聲
名王今款塞何處請長纓

宿定慧寺

落日松峰暝盤雲石徑懸
泉開雙虎穴鉢枕一龍眠
梵影空明月經聲落暮烟
夜深看寶砌片長青蓮

寄焦弱侯

丁應泰

河陽花燄後永晝署齋清
薄俸差供客微官豈著名
停雲連樹色流水入琴聲
不盡懷人意難將寄此情

送義公結廬天台

徐桂

海上棲禪境披雲訪石橋一餅依澗壑踈磬落
山椒華頂經年雪松門半夜潮預愁支遁去無
復論逍遙

送別方子韓

余翔

江湖雙別淚天地一狂生有客同王粲何人識
襴衡綈袍風雨色尊酒別離情君自懷明月終
償十五城

秋日薜荔園書懷

悲風鳴大壑落葉滿荒苔倦鳥投林盡浮雲度
海來文章裁短褐日月寄深杯中散交游絕柴
門晝不開

楊東莞明府載酒過訪

曾仕鑑

弭節花源入懸燈竹色低客緣印令重酒向習
家携舞袖翻春燕清言送曙鷄醉猶騎馬去莫
漫唱銅鞮

送王季直北上

王叔承

一杯江樹斷忽作上林遊曉色桃花馬春風燕
子樓明珠遙帶月寶劍欲鳴秋燕趙悲歌地今

看是 帝州

焦山月夜聽煨公彈琴

片月廣陵東鳴琴江寺中
禪心在流水幻影落
枯桐操絕諸天靜聲寒萬籟空
我來驚別鶴清
梵滿松風

宿盧子明俯濤軒顧晉卿明卿兄弟携酒

見過

盧敖住蜃樓飄泊問仙游
山影空庭碧濤聲滿
座秋酒隨明月到雲共故人留
此夜憑虛夢悠

然赴白鷗

宿顧明卿萼綠館

恍惚梅花夢秋窓客半醒
仙魂萼綠館涼思蘂
珠經杯帶流雲白林懸亂水青
羅浮吹片月千
嶂點滄溟

哭胡原荆

昨日桃花宴今朝薤露詞
眼前成故物夢裏尚
生時吾道渾無賴蒼天重可疑
灑枯千點淚
血滿江蘿

其二

十載甘微服蒼茫萬死身
貂璫曾奪氣龍馭快披鱗
野史收封事荒碑表逐臣
青山餘白骨虹彩日嶙峋

鄔汝翼携尊焦山自然菴坐雨談道

香雪映虛堂藤花覆短墻
山孤人語寂江濶酒樽涼
萬樹粘雲白千帆夾雨蒼
道心君莫問且自聽滄浪

南明寺同李守登眺

渡壑還登壁長松被磴蒼
石虛蟠曲洞崖豁跨飛梁
坐竹塵緣斷聽泉暑病涼
日斜杯未歇五馬戀空王

八月十五夜爛溪草堂觀新采吳珠

溪蚌開明月吳珠出素秋
色凝寒水滴光動曙星流
玉鏡懸相照嫦娥咲欲留
一杯吾酌汝五彩莫輕投

石湖曲得愁字代趙湘雲

湘雲元是妾雨色為君留
日暮欲為夢烟花俱

帶愁心縈江月夜眼照石湖秋冉冉簫邊鳳仙
魂不自收

會顧益卿焦山

萬古江山在浮生幾問津白雲天外約青眼酒
中人物論終何定交情久更真向來肝膽色寐
寞劒花新

益卿贈日本七首作

解兵歸五嶺投贈膽猶雄匣動星槎上刀來日
本東血花凝海瘴靈氣閃江虹且貰壚頭醉休

論百戰功

同吳元暉各泛刀子出太湖月夜登堯峰

寺嘗寶雲泉宿慧公精舍

雙泛桃花艇旃林瞰水天石中藏古寺峰頂出
靈泉酒帶堯封月香通佛國烟禪牀松韻裏寒
擁亂濤眠

與胡大陳二浦二泛碧浪湖登峴山

白舫隨鷗影青帆濕浪花山垂湖上翠雲擁日
邊霞木落寺門出石危沙徑斜飛觴暮光急吾

分宿蕙葭

會葬詔旌胡貞母雪夜大風明日冰舟胡
家渡作

黯慘乾坤色山川會葬時風濤悲節婦冰雪吊
孤兒萬里天王詔千年太史碑精魂應不死
遙傷楚江祠

雨後登虎丘宿梅花樓僧房

陸弼

高閣藤蘿外扁舟暮雨殘鍾聲知客到山色入
門看月出千松靜雲披片石寒支公擅名理終

夕奉清懽

太平驛送魏丞奔母喪歸廣陵

昨渡延津口聞君客建谿天涯方一見此別重
淒淒歲月存鷄骨風塵送馬蹄北堂今不待斗
祿為誰携

暮行西山道中

丘齊雲

出郭尋蕭寺偏緣芳草行溪深雲欲雨山遠樹
為城佛徑千花色靈岩一鳥聲却憐湖上月飛
向馬頭明

登洪光寺

路入千林外孤僧破暝迎檻前青嶂合衣上白
雲生湖遠兼天色山空應鳥聲如何案牘裏短
髮繫微名

夜投金山寺時劉子大在碧雲寺

薄言行役倦昏夜此留歡亭敞孤鐘出山高片
月寒遠湖連樹暝幽石觸雲殘隔水憐同調扁
舟向夜難

晚至貴溪伍明府見過

章嘉禎

望望層嵐合蕭蕭匹馬征孤雲出鳥道踈雨過
山城日夕牛羊下秋高禾黍平臨邛如物色應
愧病長卿

送吳山人

趙世顯

客心方慘澹况復對離觴以我思家淚送君還
故鄉吳江楓葉冷燕塞鴈聲長日暮懷人處淒
然天一方

登平遠臺東邵公夢弼

初晴鳥亂啼石逕草萋萋雲歛千峰出烟含萬

井低古臺鼇石畔斜景道山西此日竹林下青
樽誰共携

垂虹亭坐月與管建初

王穉登

一片星橋色蒼茫接具區行人問酒價縣令課
魚租月出樹皆綠風吹湖半枯還將知己事獨
對管夷吾

塘栖

水闊雨冥冥飛帆去不停人聲兩涯斷魚市一
江腥雲已辭吳白山初到越青侯生數行淚千

里吊玄經

岳武穆王廟

松栢前朝墓湖波綠染門腸堪千古斷骨有一
坏存烈士人間淚孤臣地下魂南枝豈無意猶
似為中原

華嚴寺訪詮公

寺廢青蓮後經殘白馬餘病僧頭有雪貧里食
無魚窓外千花塔林端一草廬吟成齋後偈時
向葉中書

普濟寺孫吳闕丞相捨宅

赤烏丞相宅白馬梵王家湖水涵朝旭楓林綴
晚霞無人藏劔履有地施袈裟落日邯鄲夢空
令過客嗟

白丈自杭州歸邀遊天池

桃花零落盡游賞與君同僧住松聲裡鶯啼石
壁中巖光晴處紫池色晚來空莫把琵琶奏尊
前有白公

三詔洞

洞口竹森森渾疑隱未深江流堪洗耳山色似
焚林丹詔去已久白雲留至今只應鷗與鷺猶
似避人心

碧雲寺

佛地布黃金僧家住綠陰驢驢支遁馬孔雀梵
王禽秋竹沙中淡寒山寺裡深江南流水在共
有故園心

登步虛亭

屠隆

絕壁孤亭迴登高萬里心鳥聲在平地人語落

空林草映春波綠松盤海色陰青天開浩蕩長
嘯一披襟

夏日懷友人

松風消大暑長日坐高林路斷千峰合天垂萬
壑陰偶然成客夢一半是鄉心得句無人賞年
來欲廢吟

聞管建初同孫以德登太和却贈

綠玉倚雙筇青天倒五龍洞陰吹古雪山翠滴
踈鐘醉拾峰頭月飢食石上松洪厓如有約他

日定相從

家大人還鄉久無家報

張汝蘊

別親江水曲何意忽經霜海岱烟雲杳秦淮道
路長魂牽千里夢愁斷九迴腸鴈阻天南北憑
誰寄八行

題王長卿內子繡佛

白馬西來日瞿曇教亦傳上乘無色相大覺有
真詮蓮鉢千絲出金身五采懸誰知女乞士指
下解逃禪

晚至碧雲寺

朱宗吉

路轉千峰外，尊開萬壑間。
寒雲生遠岫，清磬出空山。
客自探竒入，僧從乞食還。
獨憐愁病裡，猶得此追攀。

宿金山寺

湖村夜氣沉，幽刹傍孤岑。
螢火流高閣，漁燈隔遠林。
雨昏山鬼哭，雲起鉢龍吟。
一宿招提界，蕭然世外心。

暮投西山

負笈轉層巔，言尋不二禪。
花開鳥語處，雲散馬蹄前。
亂壑流殘照，千山瑣暮烟。
到來諸品寂，僧在定中天。

送祠部王見菴先生僉憲貴陽

江應宿

地入三苗盡，山過蜀道難。
飛泉晴亦雨，毒霧晝猶寒。
方竹迷秦徑，羶裘拜漢官。
貴陽民力竭，君好慰凋殘。

少年行

張元易

少年懷壯志仗策遠橫行
逐虜窮西海提兵過北平
生涯雙劍在然諾萬金輕
欲樹封侯績羞稱俠客名

城西寺宴集

李鎭

避暑花宮集清飈
敞客襟一峰當牖靜
雙樹抱臺深
席引青蓮色樽移古塔陰
因君超妙悟瀟灑白雲心

秋日山行

胡坦

秋老雲逾白山深徑轉斜
碧崖泉作練蒼嶺樹成槎
虎伏岩頭穴人歸谷口家
樵歌聲互答何處不烟霞

宿朱仙鎮

車大任

古廟丹青裡精忠宇宙間
寬成三字獄駕阻二君還
北伐天聲斷南遷國步艱
英雄餘涕淚河水共潺湲

其三

客程趨紫闕岳廟鎮朱仙
若不金牌下寧容左衽前
西風寒盡角暮雨泣瑯韜
千載忠魂在悲

歌一愴然

癸未計吏還道中苦雨

百里金谿道暮年兩度過宦程王事急鄉夢旅
愁多雨色迷殘草風聲走濁河茫茫前路遠去
住欲如何

送閔山人携家廣陵

梅鼎祚

舊業千金散長途數口存送君常作客此別更
消魂桂色高淮甸潮聲壯海門歸須及芳草莫
遣怨王孫

懷柏規

一改中林轍常懷大士家春來生忍草歲往悟
空花洞古全留雪峰回半隱霞壁間藤漸老猶
可挂袈裟

伏日同孺愿弟君異姪晚坐

張邦保

蒼茫看雨過伏日暑全微潭影欹危石花香到
葛衣稍窺林月度忽見水螢飛河朔風流遠含
杯露未稀

送呂中甫晉寧訪督撫楊公

張邦伊

日言上卷
卷之二十八
憐君常作客復爾事遐征帆外千山合尊前芳
草生三峻臨大麓萬水出遼城開府能延客應
知倒屣迎

春日過李漸甫山莊

出郭喜初霽尋春信馬蹄繁花當檻發幽鳥向
人啼雲淨數峰出天空落日低仙家元不遠流
水小橋西

明詩正聲卷二十八

